


„თეოლოგიის განხილვის საკითხის დასაწყისის სიმბოლოა... ყოველი სახეობისთვის, რაღაცის ჩვენს ციხეში თუ სხვაგვარად დამკვიდრის, ხაზი-ხაზიდან არის დაყოფილი, რომ შიგნით და გარეგნობა ავადი იყოს.“

სობის მოამბე

№4 (7107) 24 აპრილი,
ოთხშაბათი, 2019 წელი.
შპს 0,70 ლარი.

სობის მუნიციპალიტეტის ბაჭყალითი მრგვალი

გილოცავთ!



აღდგომას,
ერთ-ერთ
ყველაზე
უძველეს
და მთავარ
ქრისტიანულ
დღესასწაულს,
წელს
მართლმადიდებელი
ეკლესია
28 აპრილს
აღნიშნავს.

14 აპრილი—

დედაენის დღე
„საქართველოს მიწებში გაფანტა ხენამ,
სიყვარულის, ლექსის, საღვთისმშობლის
ენაყ!“



დაღუპულთა სსოვნას კაზივი მიიღეს



9 აპრილი საქართველოს სახელმწიფოებრივი დამოუკიდებლობის აღდგენის აქტის მიღების, საქართველოს ეროვნული ერთიანობის, სამოქალაქო თანხმობისა და სამშობლოსთვის დაღუპულთა მოგონების დღეა.
სობის მუნიციპალიტეტის მერმა გონა ქაჯაიამ, საკრებულოს თავმჯდომარე ედიშერ ჯობაჯამ, ადგილობრივი თვითმმართველობისა და საზოგადოების წარმომადგენლებთან ერთად, 1989 წლის 9 აპრილს სამშობლოს ერთიანობისთვის დაღუპულთა მემორიალი გვირგვინით შეამკეს.

დარბაზში ლიტერატურულ-მუსიკალური კომპოზიცია „საქართველო ჩვენ გვეკუთვნის, საქართველო ჩვენია“ გაიმართა, ხოლო ფოიეში მოსწავლეთა ნახატების გამოფენა მოეწყო.
სობის წმინდა სამების სახელობის ტაძარში დეკანოზმა კირიონ დარასელიამ სამშობლოს ერთიანობისთვის დაღუპულთა სულების მოსახსენიებელი ლოცვა აღავლინა.
საზოგადოების წარმომადგენლებმა პატივი მიაგეს 9 აპრილს დაღუპული ნათია ბაშალეიშვილის ხსოვნას და ხეთის ადმინისტრაციულ ერთეულში, ნათია ბაშალეიშვილის სახელობის წყარო ყვავილებით შეამკეს.

გილოცავთ ქართული ენის დღეს!

1978 წლის 14 აპრილი ერთ-ერთი მნიშვნელოვანი თარიღია საქართველოს ისტორიაში. ზუსტად 41 წლის წინ, ქართული ენა ინტელიგენციის და სტუდენტობის ძალისხმევით, გადაურჩა სახელმწიფო ენის სტატუსის დაკარგვას. დღეს ქართული ენა UNESCO-ს მსოფლიო მემკვიდრეობის ნუსხაშია.

ირაკლი (დაჩი) ბერაია,
საქართველოს პარლამენტის სობის მაჟორიტარი დეპუტატი.

მისი სახლის სადიდად!..

„ნათიას წყაროს“ არ გასვლია ყავლი, რადგან ის მარადისობის სიმბოლოა და იმ აებედით დღეს—9 აპრილს დაღუპული ნათია ბაშალეიშვილის სახელთან ასოცირდება.
ეს წყარო ხეთელებმა ნათიას დედულეთში მისი სახლის სადიდად გააკეთეს და გამვლელ-გამომვლელს, თითოეულ ხეთელს 9 აპრილს აგონებს. იმ დღეს დაღუპულთა სულის მოსახსენიებლად მოედინება ონკანიდან წმინდა წყალი...
თბილისელი გოგონა ნათია ხეთელთა შვილიშვილია. ამ ქუჩეში გაზრდილი და თანატოლების გულებში ანთებული სანთელია, მისი სახლის სადიდად, 9 აპრილის სადიდად! აქ ყოველ 9 აპრილს ნათიას მემორიალი ყვავილებით მშვენდება და წმიდა სანთლები ინთება.
მარადიული დიდება 9 აპრილს დაღუპულ



გმირებს.
სწორედ ნათიას წყარო და მემორიალია სობის მუნიციპალიტეტში ამ დღის სიმბოლო.
30 წელია იწვის სანთელი შენი სახლის სადიდად, ნათია!
ნანი კილასონია

გიორგი ლაონიძე

ქართული სიტყვა!

პირველ მოწყვეტილ იების დღიდან,
 მე ვარ დამწვარი შენი მსახური;
 შენი თაფლი და მარილი მზრდიდა,
 მზე შენ დამწერე და გაზაფხული.
 შენ უკვდავი რძით დამაძიქურე,
 მხეფი ნათლისა სულში დასძარი;
 ჩემი დროშა ხარ მოიერიშე,
 ჩემი ვენახი, ჩემი ტაძარი!
 შენზე უჭანობი და დიდებული
 რალამ შექმნას და ვილამ დახატოს.
 გულზე ხარ ცეცხლით მოჭიდებული,
 ქართველი ხალხის სულის ღაღადო!
 ფოლად-ნადებო, ვარდში ხვეულო,
 თუ დაგივიწყო, შემახმეს ენა!
 სისხლსაც შენ მოგცემ მე წვეთულად,
 სისხლის წინწახლსაც უკანასკნელად.
 შენ უკვდავების ჩამონადენო,
 მშვენიერებაც ხომ შენით ითქვა;
 დიდება შენდა, ჩემო ნათულო,
 ქართული სიტყვა, ქართული სიტყვა!

ქართული ენა,
ენა ქართული

ენა ქართული...
 ეს ის ენაა, რომელზედაც იზრდებოდნენ ქართველი ვაჟკაცები და მამულიშვილები. ეს იმ ქვეყნის ენაა, რომელსაც სისხლის ბოლო წვეთამდე იცავდნენ ჩვენი უძლიერესი მეფეები, უშიშარი მეომრები თუ რაინდები, საზოგადო მოღვაწენი თუ მწერალ-პოეტები.



იაკობ გოგებაშვილის დედაენით მინდა დავიწყო. არასოდეს დამავიწყდება დედაენის პირველი სიტყვები-„აი ია“. სწორედ, რომ დედა ენა და აი ია არის ჩემი ცხოვრების საფუძველი. ჩემი წარსული და ჩემი მორალი. ეს ის სანუკვარი ენაა, რომლითაც დავიწვე მეტყველება... დიდმა ილია მართალმა ბრძანა: სამი საუნჯე დაგვრჩა წინაპართან: „ენა, მამული, სარწმუნოება“.

მამული დასაცავია, ვერაგმა მტერმა, რომ არ დაგვინაწვეროს, სარწმუნოება რომ არ შეგვირაცხოს.

ამისთვის კი შინაგანი და სულიერი სიმტკიცეა საჭირო, ხოლო ენის გადარჩენა დაცვას, ბრძოლას, სულიერ სიმტკიცესა და განსაკუთრებულ მოფრთხილებას ერთდროულად საჭიროებს, რომ არა იაკობ გოგებაშვილის დედაენა, რომელზეც თაობები გაიზარდა, რომ არა ილია ჭავჭავაძე და მის მიერ დაარსებული წერა-კითხვის გამავრცელებელი საზოგადოება, რომ არა დიდი ზვიად გამსახურდიას და მერაბ კოსტავას ბრძოლა დამოუკიდებლობის, თავისუფლების. სარწმუნოებისა და ქართული ენისთვის, ვინ იცის იარსებებდა თუ არა საქართველო, ქართველები და საერთოდ, ქართული ენა. ამ მონაპოვარს კი განსაკუთრებული მოვლა-პატრონობა და გაფრთხილება სჭირდება. ილია მართალმა თქვა „ერის გათახსირება, პირქვე დამხობა და გაწყლება იწყება მაშინ, როდესაც ერი თავის ისტორიას ივიწყებს“ ჩვენი ისტორია კი არის „ენა, მამული, სარწმუნოება“. თითოეული ქართველის ვალაა იყოს ბურჯი ენისა და ეროვნებისა. „მარად და ყველგან საქართველოვ, მე ვარ შენთანა“.

ცოტნე ვადაძარიან, სობის №1 საჯარო სკოლის მოსწავლე.

„სახარებასა შინა ამას ენასა ლაზარე ჰქვია“

ქართული ენა იბერიულ-კავკასიურ ენათა ოჯახის ქართველურ ენათა ჯგუფს მიეკუთვნება. ქართული ენა ქართველი ერის ენაა. იგი უმთავრესი იარაღია კულტურისა, ძირითადი ფაქტორი და გამომხატველი ერის განვითარებისა, მისი შემოქმედებისა, ნაციონალური თვითშეგნებისა. ქართულ ნაციონალურ ენაში აღიბეჭდა ქართველი ხალხის ისტორიის ეტაპები, უძველესი ხანიდან მოყოლებული, ყველა საფეხური, რომლებიც განვლო ქართულმა კულტურამ, ამიტომ ხალხის მდიდარი წარსული, მისი კულტურის ინტენსიური განვითარება თავდება ამ ხალხის ენის სიმდიდრისა და მძლავრი განვითარებისა.

ქართული ენა ქართველი ტომების საერთო ენაა. იგი აერთიანებს ქართველი ერის უმთავრეს ტომებს: ქართვეს, მეგრულ-ჭანებს (ხანებს) და სვანებს. კულტურულ-ისტორიული თვალსაზრისით ცნება „ქართული ენისა“ შეიცავს როგორც საკუთრივ ქართულ ენას, ისე მეგრულ-ჭანურს (ხანურს) და სვანურს, თუმცა ვიწრო ლინგვისტური გაგებით მეგრულ-ჭანური (ხანური) და სვანური „ენებია“.

მსოფლიოში დაახლოებით სამი ათასი ენაა, ანბანი კი მხოლოდ თოთხმეტი. მათ შორის ერთერთია ქართული ანბანი.


ქართული ჩვენი დედაენაა. „დედა ენა კი არის უფლის კურთხევით ჩვენ წინაპართან აღმენებული უწმინდესი ტაძარი, რომელსაც სვეტებად უდგანან სამშობლო ქვეყნის მოღვაწენი; დანგრევა მისი ადვილია, ხოლო აღდგენა ფრიად მძელი, -ასე უქადაგა ქართველებს მშობლიური ენის შესახებ საქართველოს კათალიკოს -პატრიარქმა კირიონ მეორემ“.

ერი, რომელიც მუდამ იცავს თავის ენას, არ ივიწყებს მას, ღვთისგან კურთხეულა და ასეთ ერს აქვს უფლება ცხოვრებისა და თუ ერი თავის ენაზე წინ აყენებს უცხო ენას, მას სიცოცხლე არ უწერია... მრავალი ენა გადაშენდა და ის დღეს მკვდარ ენებშია მოქცეული....

„ნურავის ეგონება ეს ყველაფერი უმხო ახირება, უაზრო ჭირვეულობა იყოს. სწორედაც რომ არა. პირიქით, ყველა ცივილიზებულსა და განვითარებულ ქვეყანაში უპირველესად სახელმწიფო ენად აღიარებულს ანიჭებენ უპირატესობას, მასზე მეტყველების აუცილებლობას უყენებენ იქ სამოსახლოდ ჩასულთ, მისით ნათლავენ ყველანაირ საწარმოსა და დაწესებულებას, ფირმას, კორპორაციას, კონცერნს, ნაწარმს. ასეა, ყველას თავისი ურჩევნია და მის სულ მცირედ აუგად ხსენებას, უდიერად მოპყრობას არავის აპატიებენ. ჩვენში კი რატომღაც ბევრმა დაივიწყა ოდიოვანი ჭკვიანურად ნათქვამი:“

„სხვის ბაღში თურაშაულის დარგვას, საკუთარში მაჟალოს დათესვა გერჩიოსო“. რატომღაც ბევრი ივიწყებს მშობლიურ ენას და ისე ეწაფებიან უცხოურ ენას, როგორც ირემი მთის წყაროს.

ყველამ უნდა ვიცოდეთ ქართული ენის ფასი...გავეცნოთ მის ისტორიას... მარტო ის რად ღირს, რომ როცა მარიამ ღვთის-



მშობელი გამოეცხადა ექვთიმე ათონელს, ქართულად ელაპარაკა მას... ასეა, საკუთარი უნდა ვარჩიოთ სხვისას. ქართული ენა დგას უძველეს ცივილიზებულ ენათა შორის და მით უფრო ენის მზრივ, ბევრად წინ რომ ვდგავართ უამრავ ერსა და ტომზე, ენა ქართული ხომ ერთი უძველესთაგანია და უმდიდრესია დედამიწის ზურგზე.

მოუვაროთ და გაუფრთხილდეთ, მოვეფეროთ და დავიცვათ ენა ჩვენი მშობლიური, გავწმინდოთ და უწინდელი მშვენება დაკუბრუნოთ. და ვილაპარაკოთ უძველესი, ღვთივკურთხეული, დალოცვილი, უღამაზესი, უბრწყინვალესი ენით ქართულით-იაკობის, დავითის, თამარის, საბას, შოთას, ილიას, აკაკის, ვაჟას, კონსტანტინეს ძარღვიანი ქართულით.

„რა ენა წახდეს, ერიც დაეცეს“. ენის წახდომა და დაცემა კი სიკვდილის ტოლფასია და ის მხოლოდ ისტორიას დარჩება.

„ქართული მარტო ენაა?!
 ქართული ქართველთ რწმენაა!
 ღმერთია! ბედისწერაა!
 ზღვა როა! იმოღენაა!“

ქართული ენა მყინვარივით გულზეია-ღია, ზღვასავით უღვივი, თანამასავით მოქნილი ღმერთების ენა.

„ღამარხულ არს ენაი ქართული დღემდე მეორედ მოსვლისა მესიისა საწამებლად, რათა ყოველსა ენასა ღმერთმან ამხილოს ამით ენითა. და ესე ენაი მძინარე არს დღესამომდე და სახარებასა შინა ამას ენასა ლაზარე ჰქვია. და ესე ენაი შემოკული და კურთხეული სახელითა უფლისათა, მდაბალი და დაწუნებული მოელის დღესა მას მეორედ მოსვლისა უფლისა.“

ქართული ენა ლაზარეა ყველა ენებს შორის, იგი პირველადი ენაა, მთავარი ენაა, ისევე როგორც ლაზარე.

ითანე იყო მთავარი მოციქული იესო ქრისტესი, მოწაფე, „რომელიც უყვარდა იესოს“ და რომელიც იყო მისი უახლოესი სულიერი მეგობარი, იგი იყო ამავე დროს ძეობილი ღვთისმშობლისა, ისევე როგორც საქართველო ღვთისმშობლის წილხვდომილი.

ქართული ენა ბიბლიური ენაა... და სახარებასა შინა ამას ენასა ლაზარე ჰქვია...
 ნინელი-მზია ხუხია.

15 აპრილს, სობის მუნიციპალიტეტის მოსწავლე-ახალგაზრდობის ცენტრში, „დედაენის“ დღისადმი მიძღვნილი კვირეულის ფარგლებში წარმოდგინილი იქნა ლიტერატურულ-მუსიკალური კომპოზიცია „ფარნავაზ მეფე“ (ხელმძღვანელი მანია კუჭავა).



სოფელი

ნომრის სტუმარი გახლავთ გობი გობინავა-ძველი ხიბულის აღმინისტრაციულ ერთეულში მერიის წარმომადგენელი.



ბატონო გობი, რითი იყო შორეულ წარსულში ძველი ხიბულა გამორჩეული სხვა სოფლებისგან და დღეს რითია ის აღსანიშნავი. რატომ დაერქვა მას ხიბულა?

ძველი ხიბულა მდებარეობს სობის მუნიციპალიტეტში, კოლხეთის დაბლობზე და მის მიმდებარე გორაკ-ბორცვებზე, მდინარე „ჭანისწყლის“ (მეგრულად „წენწყარი“) მარცხენა სანაპიროზე. სოფელი მუნიციპალიტეტის ცენტრიდან დაშორებულია 25 კილომეტრით, ქალაქ ზუგდიდიდან-16, საპორტო ქალაქ ფოთიდან კი 40 კმ-ით. ის ძველი დროიდან წარმოადგენდა გზაჯვარედინს და აქ გა-

არქვა (არსებობს სხვა ვერსიებიც).

სოფელში ყოფილა რამდენიმე ეკლესია, მათ შორის საქანთარიოს უბანში, აქ გასულ წელს გათხრები წარმოებდა და აღმოჩენილიქნა ეკლესიის საძირკვლები.

სოფლის ცენტრის თავზე, გორაკზე მდებარეობს ძველი ხიბულის ციხე, რომელიც VII-

სოიოსა და ბოსტნეული კულტურების მოყვანა.

დღეისთვის ძირითადი კულტურაა თხილი და ერთწლიანი კულტურებიდან სიმინდი, მეცხოველეობიდან მსხვილფეხარქოსანი პირუტყვი. ბოლო ხანებში ფეხს იკიდებს მეცხვარეობაც.

ხიბულელების ცხოვრების გარანტი არის მათი შრომა. ოდითგანვე იყვნენ ისინი შრომისმოყვარე ხალხი, რომელთაც

ულოდნელი იყო. ამიტომ მოსახლეობის დიდ ნაწილს ვერ შეხვდა. სტუმრები ღურწკაიების სახლში, სადაც პირველი პრეზიდენტი გარდაიცვალა, იქ შეხვდნენ ხალხს. ძველხიბულელებმა მიიღეს შეპირება მოსალოდნელზე მეტი, რითაც განცვიფრებული და გახარებულები არიან.

მან გამოთქვა ბევრი ინიციატივა, მათ შორის იმ სახლის პირვანდელი სახით აღდგენა და მუზეუმად გადაქცევა, სადაც საქართველოს პირველი პრეზიდენტი გარდაიცვალა.

გადაწყდა იქვე ახლოს, ეკლესიის და პატარებისთვის ახალი საბავშვო ბაღის აშენება, რომელიც გათვლილი იქნება 50 აღსაზრდელზე, მო-

მოლაპარაკება, სადაც ამოდის ბუნებრივი წყალი, რომელსაც აქვს დიდი მარაგი, რის შემდეგაც მიიღეს ნებართვა წყლის გაყვანილობაზე, ამის შემდეგ შეუდგნენ აზომვით სამუშაოებს, შერჩეულია ახალი საბავშვო ბაღის ასაშენებელი ადგილი და ასევე გზის აზომვითი სამუშაოებიც დაიწყო.

გვიამბეთ თქვენს სამოქმედო გეგმებზე, რაც გათვლილია მიმდინარე წლისთვის. (სოფლის მხარდაჭერის პროგრამასთან დაკავშირებით?)

ჩვენი სამოქმედო გეგმა არის გათვლილი სოფლის კეთილდღეობაზე, მათ კარგ ცხოვრებაზე. რა იქნება სოფლის ხელმძღვანელისთვის იმაზე კარგი და მნიშვნელოვანი, რომ სოფელი იყოს კმაყოფილი, ამიტომ აღნიშნული ინიციატივების განხორციელება ძველი ხიბულელებისთვის იქნება ყველაზე მნიშვნელოვანი. „სოფლის მხარდაჭერის პროგრამით“, რაც იქნება გათ-

კველსიბულელთა ახალი გაემონვეები...

X საუკუნეებში მოიხსენიება ჯიხად. სასიგნალო ციხე, ციხე სალარო. მტრის შემოსვლისას მასზე ანთებდნენ ცეცხლს და ასე აცნობდნენ სხვა ციხეებს მტრის შემოსევას. გარკვეული პერიოდის მანძილზე აქ

ოჯახის სარჩენის გარდა, ბაზარში გასატანი მოსავალიც მოჰყავთ, როგორც ერთწლიანი, ასევე მრავალწლიანი.

როგორი იყო გასული წელი თქვენთვის, რა გაკეთდა ხალხისთვის?

გასული წელი აღსანიშნავია ჩვენთვის იმით, რომ დაიწყო ზუგდიდი-ნარაზენი, ძველი ხიბულა-ახალი ხიბულა, ზუბის შემაერთებელ გზაზე ასფალტის დაგება, რომელიც მიმდინარე წლის მარტში დამთავრდა, რითაც მოსახლეობა დიდად კმაყოფილია. აგრეთვე გასულ წელს მთავრობის დახმარებით ჩატარდა აზიური ფაროსანას წინააღმდეგ ბრძოლის ღონისძიებები, რითაც მოსახლეობამ სიმინდის მეტი მოსავალი მიიღო.

რას გვეტყვით საქართველოს პირველი პრეზიდენტის-ზვიად გამსახურდიას სტუმრობაზე ძველ ხიბულაში. მისი ცხოვრების ბოლო ეტაპზე? რატომ ძველ ხიბულაში?

ზვიად გამსახურდიას სტუმრობა ძველ ხიბულაში იმდენად გასაიდუმლოებული იყო, რომ რიგითი ადამიანების მიერ წლების განმავლობაში უცნობი იყო. ეს წლების შემდეგ გახდა ცნობილი. ამის შესახებ ბევრი დაიწერა და ითქვა. რატომ ძველ ხიბულაში?—ალბათ ის სახლი ყველაზე სანდო იყო იმ ხალხისთვის, ვინც ბატონი ზვიადი სიცოცხლის ბოლო დღეებში იქ მიიყვანა.

როგორ შეხვდნენ ამ დღეებში „ქართული ოცნების“ თავმჯდომარის ბატონ ბიძინა ივანიშვილის სტუმრობას ძველხიბულელები და მის ინიციატივებზე რა აზრისაა ხალხი?

ბატონი ბიძინა ივანიშვილის სტუმრობა ძველ ხიბულაში მო-



სახლეობისთვის სასმელი წყლის მოყვანა მეორე სოფლიდან და გზებზე ასფალტის დაგება.

ძველ ხიბულელებს სჯერათ, რომ ბატონი ბიძინა ივანიშვილი მათთვის ამ ინიციატივებს ოცნებად არ დატოვებს, არამედ სინამდვილედ აქცევს.

უკვე ხომ არ დაიწყო, ინიციატივების განხორციელება? რაში გამოიხატება ის?

ბატონი ბიძინა ივანიშვილის ვიზიტის მეორე დღევე დაიწყო აღნიშნული ინიციატივების განხორციელება, რაც იმაში გამოიხატება, რომ დაწყებულია აღნიშნული სახლის გაწმენდით და აღდგენითი სამუშაოები. ეკლესიის ასაშენებლად ადგილის შერჩევა მიმდინარეობს. დაიწყო მეორე სოფლის, ჭაქვიჯის იმ მოსახლეობასთან

ვალიწინებული, გადაწყვეტთ სოფლის მოსახლეობასთან ერთად, ის რაც უფრო საჭირო და პრიორიტეტული იქნება და მას მოსახლეობის უმრავლესობა მხარს დაუჭერს.

მე არ შემიძლია ჩვენი საუბარი დავამთავრო ისე, რომ დიდი მადლობა და პატივისცემა არ გამოვხატო ბატონი ბიძინა ივანიშვილის მიმართ ჩემი და ჩემი სოფლის მოსახლეობის სახელით. დიდი მადლობა მას და დღევანდელ მთავრობას ძველხიბულელთა ასე გახარებისთვის.

ვისურვებთ მომავალ წარმატებებს სოფლის საკეთილდღეოდ!

—დიდი მადლობა ყურადღებისთვის!

ესაუბრა ნანი კილასონია



დიოდა სამეგრელოს ცენტრალური გზა, რომელიც აფხაზეთის, იმერეთის, გურიის და აჭარის მიმართულებით გადიოდა.

სოფელს დიდი ისტორია აქვს, თუმცა სახელით „ხიბულა“ XIX საუკუნიდან მოიხსენიებენ.

ხიბულაში მათა დადიანს ჰქონდა სასახლე მდინარე „ჭანისწყლის“ სანაპიროზე, სადაც ბოლო პერიოდში ის ცხოვრობდა. ერთხელ ზუგდიდიდან ხიბულაში მოგზაურობის დროს მათა დადიანს თან ახლდა აფხაზი დავეს არშა. როდესაც ამაღლა სოფელ ჭაქვინჯს გასცდა და მივიდა იმ ადგილამდე, სადაც ქადარიები ცხოვრობენ, დაინახეს მდინარის პირას ტყით დაბურული, ლამაზი სოფელი, მდინარე ჭანისწყლის სანაპიროზე, აფხაზმა აღფრთოვანებით დაიძახა „ახიბლ“, რაც აფხაზურად ლამაზს, მშვენიერს, მომხიბვლელს ნიშნავს. მათას ეს სიტყვა მოეწონა და სოფელს ხიბულა და-

ინახებოდა მთავრობის საგანძური, მას გააჩნდა ჭანისწყალთან ჩასასვლელი, საიდუმლო გვირაბი.

ხიბულის მოსახლეობის საქმიანობა შუა საუკუნეებში იგივე მიმართულების იყო, როგორც სხვა მეზობელი სოფლების.

ბატონო გობი, გვესაუბრეთ დღეს როგორ ცხოვრობენ ძველხიბულელები, რა ფუნქციონირებს, რამდენი კომლია და იმ ყველაფერზე, რაც არის მნიშვნელოვანი?

ძველ ხიბულაში არის 290 კომლი 890 მაცხოვრებელი. დღეის მდგომარეობით ფუნქციონირებს საჯარო სკოლა (დირექტორი ზვიად ღვინჯილია), საბავშვო ბაღი (მთავარი სპეციალისტი ერიდა ჯიშკარიანი) და აღმინისტრაცია.

საბჭოთა პერიოდში სოფლის ძირითადი საქმიანობა იყო მრავალწლიანი კულტურებიდან ჩაი, ერთწლიანი კულტურებიდან მესიმინდეობა, ასევე

„გული დამაქვს სიყვარულის განახელი, მყვარებია... ჰო, ცრემლებიც მყვარებია; ჩემი ქვეყნის ძველი დარდი და ნაღველი, ხანჯალივით გულში გამიტარებია...“

ფიქრთა ბრიალში დრო იცრია...
 ღამეს შფოთვაში ატარებ, მტკივნა მღვრიე ღუმელით სულსავსე დრო ნელა მიიწვეს...
 მართლაც მეწამულ გზაზე იარა ქართველმა ხალხმა და ათას მორიელს გადააწვდა, რომლებიც გესლავენ, კლავდნენ, გლეჯდნენ, მარცხავდნენ ყველაფერს ქართულს. ანტიეროვნულმა გაუმადლარმა ცრუ მამულიშვილებმა და ფარისევლებმა სრული ქაოსის, განუკითხაობის, უსამართლობის, ძალადობის, გარყვნილობის უძირო ჭაობში ჩაძირა

ბრძოლა კანონიერი ხელისუფლების აღდგენისთვის. ის იბრძოდა მორალური და სულიერი გამარჯვებისთვის.
 ჩვენ გავიმარჯვეთ, ჩვენ, ვინც ვიცით ყადრი და ფასი ქართული მიწის, ვინც მამულისთვის იწვის და იღწვის.

სობი-თბილისი-მთაწმინდა...

ფიქრში ახლაც მთაწმინდაზე ვდგავარ. ამაყი საქართველოს პირველი პრეზიდენტის საფლავთან, უცებ ციდან ღვთიურმა ხმამ გაიწ-

მოგვძახა: რძალ-ღვთილილი გვიპასუხა „გიდმა“ გენდრი ლატარიამ, სწორედ მისი დაყინებული თხოვნით ვეწვიეთ იმერეთის ამ ულამაზეს ოჯახს...

დაფაცურდა მთელი ოჯახი, გაიშალა ქართული, ტრადიციული სუფრა, უკეთესს ვერ ინატრებდა კაცი. ყველაფერს ოხშივარი ასდოდა. მივეყვ-მოვეყვით. ოჯახის უფროსი ბატონი მერაბი, ჩვენი თანამებრძოლების, გენდრი და როზენ ლატარიების მამის ჯარის მეგობარი აღმოჩნდა. იმ ავბედით დღეებში, როდესაც მოლაღატებმა დაამხეს კანონიერი ხელისუფლება, ძმები ამ დიდ ბრძოლაში ჩაებნენ და იბრძოდნენ საქართველოს ერთიანობისა და თავისუფლებისთვის. მხედრიონი ყველგან დაძვროდა.

„ჩემი ქვეყნის ძველი დარდი და ნაღველი...“



ქვეყანა, იღუპებოდა ყოველი ქართული, ეროვნული ფასეულობა-ღირებულებები.
 წლების განმავლობაში ქვეყანას მართავდნენ მტრული ძალები, მათი „მოღვაწეობის“ დროს „ეკიპაჟის“ წევრებთან ერთად ფარული შეთანხმებით, ურთიერთობებითი კრიტიკით და ლანძღვა-გინებით ხალხს თვალში ნაცარს აყრიდნენ. თავად მოლაღატები სხვას მოლაღატეს ეძახდნენ. სამხედრო გადატრიალების სცენარისტები ყოველი მხრიდან უტყვენდნენ მამულს წასალეკად. მათ მიერ დარბეულებით, დასახინჩრებულებით, დაღუპულებით, „სხვისი ომისთვის“ განწირულებით გაავსეს ქართული მიწა.

კრიალა „მამულიშვილნო! გაუმარჯოს ერთიან, ძლიერ საქართველოს!“
 ბატონო პრეზიდენტო, როგორ მონატრებიხართ ქართველ ხალხს, 31 მარტს, 80 წლის იუბილესთან დაკავშირებით თქვენს საფლავთან უწვევტად მოედინებოდა მთელი საქართველო, მოხუცები, ახალგაზრდები, ბავშვები შინდისფერი დროშებით, შეძახილებით: „რანდო, მამულიშვილო, წამებულო, შენ იყავი გმირი, კავკასიის ქედმოუხრელ გულის გული“...
 ჩამოიწრია სევდის ცრემლები... „ღუმელი გახდა ვიწრო გალია, ვისი ბრალია, ვისი ბრალია“.
 გვაპატიე პრეზიდენტო...
 * * *

ზენსტაფონი-
 სტუმართ-მასპინძლობის ეტალონად ცნობილი დუგლაძეების ოჯახი. საღამოს ჭიშკარს მივადექით... კუნაბეტივით შავი, მოზვერივით



ნაგაზი გამოგვენთო. მასპინძელს რომ ვუხმეთ, ახლობელია იფიქრა, დაწვანდა, დამშვიდდა და სიყვარულით სავსე თვალებით შემოგვხედა.
 სტუმარი ღვთისაა. აივანზე ორმა ღამაზმა ქალბატონმა შე-

სამშობლოს ერთგულ ძმებს ყველგან დასდევდა. ბიჭების მამა იძულებული გახდა შეილები თავის ჯარის მეგობართან, ზესტაფონში გადაემალა. ეს დიდი პასუხისმგებლობა დუგლაძეების ოჯახმა იკისრა. რა არ განიცადა ამ ოჯახმა-ღვენა, შევიწროება, დამცირება. მაგრამ ღირსება შეინარჩუნა. შემდეგ მათი ურთიერთობა ნათელ-მირონობაში გადაიზარდა და დღეს ერთმანეთისთვის უსაყვარლესი აღამიანები არიან.

მასპინძელი სადღეგრძელოს სადღეგრძელოზე, ფიალას ფიალაზე ცლიდა:
 „გაუმარჯოს თავისუფალ საქართველოს, გაუმარჯოს ზვიად გამსახურდიას!
 მადლობა, რომ მეტუმრეთ, ღმერთმა სიკეთე მოგვცეთ, ვიშრომით, ვიბრძოლოთ, ვაკეთოთ სიკეთე. გვიყვარდეს, ვუერთგულოთ ერთმანეთს და დატოვოთ კვალი წარუშლელი, დაუზარდო შეილები, შვილიშვილები მამულის მოსაგულად და უფლის სადიდებლად. წინ სამეგრელო, წინ საქართველო!“
 შეუმჩნევლად გავიდა დრო და ამ ოჯახიდან გამოგვევა დიდი სიყვარული. „დიდი სახლის პატარა დიასახლისების“-მარია და ნიაკოს ნათელი მზერა და ბედნიერი სახეები.
 მადლობა მათ საოცარი სითბოსთვის, სიყვარულისთვის, მასპინძლობისთვის. იხაროს დუგ-

...ფიქრში ახლაც მთაწმინდაზე ვდგავარ და იქიდან ვხედავ საქართველოს წვას და ეს წვა ჩვენც გვინათებს გზას უკვდავებისმიერნო.
ნაირა ბერაია

9 აპრილიდან 9 აპრილამდე

1989 წლის 9 აპრილიდან 1991 წლის 9 აპრილამდე ქართველმა ხალხმა საფუძველი დაუდო ეპოქალურ მოვლენებს.
 ე.წ. „პერესტროიკისა და „გლასნოსტის“ გამოცხადებიდან სულ რაღაც მცირე დროში გააქტიურდნენ ქართველი პატრიოტები:

1987 წელს საქართველოს მეცნიერებათა აკადემიის მწვავე პროტესტის შედეგად შეჩერდა ქვეყნისთვის მეტად საზიანო ტრანსკავკასიის მაგისტრალის პროექტი.

1988 წლის გაზაფხულში დაიწყო საპროტესტო მანიფესტაცია ღვთისმშობლის სამონასტრო კომპლექსის დასაცავად. მონასტერთან განთავსებული იყო რუსეთის სამხედრო პოლიგონი, სადაც ინტენსიურად მიმდინარეობდა სამხედრო წვრთნები, სროლები და აფეთქებები. რუსი ჯარისკაცების მხრიდან ვლინდებოდა ვანდალური ფაქტები. ზიანდებოდა უნიკალური ისტორიული კომპლექსი. ადგილი ქონდა ფრესკების ხეღვთვას.

ზვიად გამსახურდიას და მერაბ კოსტავას მიერ ორგანიზებული საპროტესტო აქციამ შეაჩერა რუსი ჯარისკაცების უკონტროლო თარეში, პოლიგონზე შეწყდა წვრთნები და აფეთქებები.

1988 წლის ნოემბერში საბჭოთა კავშირის ხელმძღვანელობამ მიიღო დადგენილების პროექტი-კონსტიტუციიდან იმ მუხლის ამოღების შესახებ, რომელიც ფორმალურად ითვალისწინებდა კავშირიდან რესპუბლიკების „ნებაყოფილობით“ გასვლას, რასაც თბილისში მოყვა ნოემბრის მრავალათასიანი საპროტესტო აქცია. საბჭოთა ხელმძღვანელობა გორბაჩოვის მეთაურობით იძულებული გახდა ძალაში დაეტოვებინა კონსტიტუციის ეს მუხლი, ამით არა მხოლოდ საქართველოს, არამედ სხვა რესპუბლიკებსაც შეუნარჩუნდა „კავშირიდან“ გასვლის ლეგიტიმური უფლება. თუ რაოდენ დიდი მნიშვნელობა ქონდა კონსტიტუციის ამ მუხლს ეს შემდგომში დაგვანახა ჩვენთვის რუსეთის ომმა. მიუხედავად დიდი თანაგრძობისა, ჩვენებს ვეღარ მიენიჭათ დამოუკიდებლობის ლეგიტიმური უფლება. მათ ვერ მიიღეს დე იურე საერთაშორისო მხარდაჭერა, რადგან არ ქონდათ საბჭოთა კონსტიტუციით მოპოვებული ეს სტატუსი. სწორედ ნოემბრის ამ აქციის საპირისპიროდ კრემლმა გააჩაღა ანტიეროვნული პროპაგანდა, ეროვნულ ძალებს დაუპირისპირა სეპარატისტული მოძრაობა. კრემლის წაქეზებით აფხაზმა სეპარატისტებმა გუდაუთაში მიიღეს ე.წ. „ლიხნის წერილი“, ისინი კრემლისგან ითხოვდნენ „სტატუსს“-საქართველოდან აფხაზეთის გამოყოფის შესახებ, რასაც მოჰყვა თბილისში აპრილის საპასუხო

რეაქცია.
 გადაუჭარბებლად შეიძლება ითქვას, 4 აპრილიდან 9 აპრილის ჩათვლით, რუსთაველზე „ქართველ მოწამეთა“ მრავალათასიანი ლაშქარი იდგა, აქციის ორგანიზატორებმა წამოაყენეს ლოზუნგი საქართველოს დამოუკიდებლობის მოითხოვნით, რომელსაც თავდადებულ მამულიშვილთა სიცოცხლე შეეწირა.

9 აპრილი! ეს იყო კრემლის წინააღმდეგ მოწყობილი უიარალო აჯანყება.

9 აპრილზე, როგორც გარდამტეხ ისტორიულ მოვლენაზე, მრავალგვარი შეფასება გვსმენია ქვეყნის შიგნით თუ გარეთ. მის მნიშვნელობაზე მამავალშიც იმსჯელებენ თაობები. აქ კი ისმის ერთადერთი კითხვა, რომ არა 9 აპრილი, რა რეაგირება მოეცებოდა „ლიხნის წერილს“? მიიღებდნენ თუ არა აფხაზეთი აღნიშნულ „სტატუსს“? პასუხი ერთია-მიიღებდნენ!

9 აპრილს, პირველი დამანგრეველი დარტყმა მიიღო საბჭოთა რუსეთის იმპერიამ. კრემლმა კონტროლი დაკარგა...

თბილისისა და ვილნიუსის მოვლენებმა დააჩქარეს აღმოსავლეთ ევროპის სოციალისტური ქვეყნების გათავისუფლება. შეუქცევადი გახდა ს.ს.რ.კს რღვევის პროცესი. დაიწყო დიდი სახელმწიფოების მეთაურთა შეხვედრები რეკვიავიკსა (ისლანდია) და მალტაში. კრემლი იძულებული გახდა გეყვანა სამხედრო კონტიგენტი აღმოსავლეთ ევროპიდან.

სოციალდემოკრატიული განვითარებული პროცესებით თვითკმაყოფილ დასავლეთის დიდ სახელმწიფოებს, მაინც და მაინც დიდად მიზანშეწონილად არ მიიჩნდათ „საბჭოთა კავშირის“ დაშლა, ყოველ შემთხვევაში ამ ეტაპზე. იმჟამად უკრაინაში ვიზიტით მყოფმა ა.შ.შ. სახელმწიფო მდიანმა ჯეიმს ბეიკერმა უკრაინელებს ურჩია შეენარჩუნებინათ საბჭოთა კავშირის მთლიანობა. პრეზიდენტმა ბუშმა კი ზვიად გამსახურდიას დინების საწინააღმდეგოდ ცურვა დაუწუნა, აქედან ჩანდა, რომ წამყვანი სახელმწიფოები კრემლისგან აღმოსავლეთ ევროპის დათმობას სჯერდებოდნენ. ამ დროს საქართველოსთვის აღარავის ეცალა, საქართველო კი კვლავ იბრძოდა, იბრძოდა ერთსულოვანად. ყველა ქალაქსა და რაიონში იმართებოდა წვევამდელთა საპროტესტო აქცია. ახალგაზრდებმა უარი თქვეს საბჭოთა ჯარში გაწვევაზე. კომუნისტური პარტიის რიგებს ტოვებდა ათასობით ქართველი.

1989 წლის 15 ივლისს აფხაზი სეპარატისტები სოხუმში თავს დაესხნენ ეროვნული მოძრაობის წარმომადგენლებს

9 აპრილიდან 9 აპრილამდე

ვოვა ვეკუას და სოსო ადამი-
ას. თავდასხმელებმა მუხანა-
თურად მოკლეს გულანთებული
მამულიშვილები. იმავე დღეს
სრულიად საქართველო ფეხზე
დადგა. დაახლოებით 3000 ათა-
სამდე „მებრძოლი შეიყარა მდი-
ნარე ლალიძგასთან (ოჩამჩირის
რაიონი), დაირაზმა მთელი სა-
ქართველო. აქ იყვნენ სანადი-
რო თოფებით შეიარაღებული
აჭარლები, იმერლები, გურუ-
ლები, მათი დამხვდურნი და
მასპინძელი-სვანები და მეგრე-
ლები. ერთსულლოვან ქვეყანას-
თან ამჯერადაც დამარცხდნენ
ჩვენი მოავენი.

მახსოვს მერაბ კოსტავა მი-
ლიციის სატვირთო მანქანაზე
შემდგარი მოუწოდებდა თანა-
მებრძოლთ, არ წამოგებოდნენ
პროვოკაციებს, არ დაეშვათ რა-
იმე ექსცესი.

ღალიძგას მოვლენა გახდა სე-
პარატისტებისთვის გაფრთხი-
ლებაც და ჭკუაზე მოსვლის
გაკვეთილიც.

სულ მალე მთელს აფხაზეთ-
ში დაისადგურა სიმშვიდე, ქარ-
თველებსა და აფხაზებს შო-
რის დაიწყო დიალოგი.

მოსკოვი კი სხვა, მორიგ სა-
გონებელს უმზადებდა საქარ-
თველოს, კრემლის ინსპირაცი-
ით წარმართა უზბეკეთში ფერ-
განას მოვლენები, წამოიწია
„თურქი-მესხების“ საკითხმა.

კრემლს მრავალათასიანი თურ-
ქულენოვანი ოჯახების ჩამო-
სახლებით სურდა ჩვენში შე-
ეცვალა დემოგრაფიული სურა-
თი. ეროვნული მოძრაობის თავ-
კაცთა ძალისხმევით შეკა-

დარჩენილმა ზვიადმა მარტომ
ვერ შეძლო მომხდურებთან
გამკლავება და გამოჩნდნენ კი-
დეც ეროვნულ მოძრაობაში „დი-
დი ფილოსოფოსები“, რომ-
ლებმაც წამოაყენეს თეზა: „ჯერ
დემოკრატია, მერე დამოუკი-
დელობაო“. „ჭეშმარიტება სამ-
შობლოზე მაღლა დგასო“. გა-
მოჩნდა დემაგოგ პოლიტოლოგ-
თა მთელი კასტა, ყალბი პო-
ლიტიკოსები, რომლებიც სტრა-
ტეგიას უწუნებდნენ ზვიად გამ-
სახურდიას. მოგვიწოდებდნენ,
რომ ეროვნულ ძალებს არჩევ-
ნებში არ მიეღოთ მონაწი-
ლეობა, სანამ ქვეყანას რუსე-
თის საოკუპაციო ძალები არ
დატოვებდნენ, მაგრამ როგორ?
როდის? ან ვის უნდა გაეყვანა
ოკუპანტები, ამას ვერ ხსნიდ-
ნენ, არც იმას ამბობდნენ, რო-
მელ პოლიტიკურ სუბიექტებს
უნდა გამოეცხადებინათ დამო-
უკიდებლობა, არჩევნებში მო-
ნაწილეობას კი დალატად
თვლიდნენ.

ასე შეიქმნა 1990 წლის 30
სექტემბერს ე.წ. „ეროვნული
კონგრესი“. იმავე დღეებში გა-
მოჩნდა გაურკვეველი შეიარა-
ღებული ჯგუფი „მხედრონი“,
რომელსაც კომუნისტების ხელ-
შეწყობით გადაეცა „დოსაფის“
ქონება (ავტომანქანები და
სხვა), ის „კონგრესის“ საიმე-
ლო ძალა გახდა.

მიუხედავად „კონგრესმენტა“-
ბოიკოტისა, ზვიად გამსახურ-
დიამ აიძულა კომუნისტური
რეჟიმი დაენიშნა მრავალპარ-
ტიული არჩევნები, რაც ამავე
წლის 28 ოქტომბერს „მრგვა-
ლი მაგიდა თავისუფალი სა-



სტობი. 1989 წლის 26 მაისი.

ვებულიქნა „თურქ-მესხთა“ მო-
სალოდნელი ექსპანსია, აქაც
ჩვენმა ერთსულოვანებამ გაი-
მარჯვა. საქართველო კვლავაც
წინ მიიწეოდა. ერი-ერთ მუშ-
ტად შენივთდა, ამიტომ მოხდა
ჩვენთვის ყველაზე საბედისწე-
რო შემთხვევა:

1989 წლის 13 ოქტომბერს,
მეტად საეჭვო ვითარებაში, ავ-
ტოკატასტროფის შედეგად და-
იღუპნენ მერაბ კოსტავა და
ზურაბ ჭავჭავაძე. ამ დღიდან
იწყება საქართველოს ცაზე
ჭილ-ყვავთა შემოსევა. დაიღუ-
პა ერის ერთიანობის ბურჯი.
ამ დღიდან ელოდა ქვეყანას და
მის ქრისტესმიერ ძმას უმძიმე-
სი განსაცდელი.

ეროვნული გმირის დაღუპვის
შემდეგ შეძლეს ქართველებში
ბზარის შეტანა. უმერაბოდ

ქართველოს“ გამარჯვებით და-
ვირგვინდა. ეს იყო პირველი
მრავალპარტიული არჩევნები
პოსტსაბჭოთა სივრცეში.

1991 წლის 9 აპრილს უზენა-
ესმა საბჭომ ზვიად გამსახურ-
დიას მეთაურობით საქართვე-
ლოს დამოუკიდებლობა გამო-
აცხადა. თითქოს დასრულდა
ქარველი ხალხის 200 წლოვან-
ი მონობა...

9 აპრილიდან 9 აპრილამდე
თითქოს საუკუნე დატეულა. თა-
მამად უნდა ითქვას, რომ ეს
იყო ჩვენი ქვეყნის ერთიანობის,
ბრძოლისა და ამაღლების სა-
უკეთესო ხანა.

ვგონებ, ჩვენს ქვეყანას დღე-
საც სჭირდება ასეთი ერთიან-
ობა, შემართება და ეთნოლოგ-
ნება.

ტრისტან ვალაპარია.

„მადლობა თავისუფლებისთვის“

30 წლის შემდეგ, წლევიან-
დელ 9 აპრილს ბუნებამაც
არ მოაკლო თავისი სიკეთე.
ამდენ უუმჯურ ამინდებში ეს
დღე გამოერია მადლიანი,
იგი გაათენდა მზიანი და
თბილი.

მუნიციპალიტეტის კულ-
ტურულ-საგანმანათლებლო
საზოგადოებრივი ცენტრის
ორგანიზებით კულტურის
სახლის მცირე დარბაზში გა-
იმართა ღონისძიება-„მად-
ლობა თავისუფლებისთვის“.

ღონისძიების მონაწი-
ლეების მიერ გმირების უკვდავსაყოფად შეს-
რულებულმა სიმღერებმა და პატრიოტულ თე-
მაზე წაკითხულმა ლექსებმა მაყურებლის მძაფ-
რი ემოცია გამოიწვია, ხოლო მოსწავლე-ახალ-
გაზრდობის ცენტრის ისტორია-მხარეთმცოდ-
ნეობის წრის (ხელმძღვანელი ნინო გერგაია)
მოსწავლეების მიერ წარმოდგენილმა ლიტე-
რატურულ-მუსიკალურმა კომპოზიციამ „საქარ-
თველო ჩვენ გვეკუთვნის, საქართველო ჩვე-



ნია“ დიდი მოწონება დაიმსახურა, ხოლო ქო-
რეოგრაფიულმა ანსამბლმა „აია-კოლხამ“
(ხელმძღვანელი გოდერძი გახარია) „ხორუმი“
წარმოადგინა.

მუსიკალური სკოლის მოსწავლეებმა სხვა-
დასხვა ნაწარმოებები შეასრულეს.

იმედის სხივი წარმოჩინდა...

ახალი ეპოქა, რომელსაც ძალუმს ჭეშმარი-
ტების საკადრისად შეფასება. სწორედ 2019
წლის 9 აპრილი იყო ამის გამოძახილი...

21-ე სუბუენის თეობა



9 აპრილი და თანამედროვეობა

გამარჯობა, როგორ ბრძანდებით.
მე კარგად ვარ. ვსუნთქავ, ვფიქ-
რობ, ვწერ, ვსაუბრობ. შეიძლება
პირველი სიტყვა რუსული „ზღრა-
სტკვიწეთი“ დამეწყო და ასევე
რუსულად გამეგრძელებინა, რომ
არა ის დღე... აი, ის დღე,
თბილისში, რუსთაველი რომ
სისხლით მოირწყა, რომ არა ის
დღე, მე ახლა რუსულად ვისუნ-
თქებდი, რუსულად ვიფიქრებდი,
რუსულად დავწერდი ამ ყველაფერს
და რუსულადვე ავჭიკჭიკებოდი.
რომ არა ის დღე, ამას საერთოდ
არ დავწერდი. რომ არა 9 აპრილი,
არ იქნებოდა საქართველოც.

ბარების ბასრი პირები წითლად
შეიღება. ყველაფერი გაწითლდა.
ქეფენილები ჭრილებში ღრმად
ჩაჯდა ქართული სისხლი. იმ
სისხლის კვალს დღეს ვერ ვნახავთ,
ამაზე წვიმამ და დრომ იმუშავეს
კარგად. კვალი წაშალეს, მაგრამ
ჩვენ გულებში არაფერი წაშლი-
ლა.

მე 16 წლის ვარ. არ ვყოფილვარ
იქ. იქ, სადაც ქართველებმა თავი
შესწირეს. არ ვიცი მაშინ როგო-
რი ნიავე ქროდა, არც ის ვიცი,
რისი სუნი ტრიალებდა ჰაერში,
მაგრამ წარმოვიდგენ... ყველაფერს
ერთსულოვნების სუნი ასდის.
ხალხი ერთად დგას. ერთი სული
სხვადასხვა სხეულებშია მოქცეუ-
ლი, უამრავი ადამიანის სხეულ-
ში. ყველა ერთი მიზნისთვის
იბრძვის. არავინ ფიქრობს სიკ-
ვდილზე. ისინი ხომ ერთმანეთის
გვერდით არიან. რისი უნდა ეში-
ნოდეთ?! არავინ მოკვდება. საქარ-

ღონისძიებაზე „მადლობა თავისუფლებისთვის“ წაკითხული მსმეობიდან

თველოს დამოუკიდებლობას მოი-
პოვებენ და ყველანი სახლებში წავ-
ლენ, გააგრძელებენ ცხოვრებას და-
მოუკიდებელ საქართველოში. მათი
სახეები ისეთი მრავალფერო-
ვანია. ერთდროულად დაინახავთ
სინარულს, შემართებას და ალტა-
ცებასაც... მაგრამ შიშს ვერა. ში-
ში არ გვეჩვევია ქართველებს.

ქალები, ბავშვები, კაცები. მათი
სახის ქართულ ნაკვთებს მალე მომ-
წამლავი აირი მოედებათ, მათ კი,
ეს არ იცინა. არც წინათგრძნობა
აქვთ ცუდი.

ვიდაც ქალი ფანდურით ხელ-
შია. რაღაცას მღერის, რაღაც
ძალიან სასიამოვნოს და ურუან-
ტელის მომგვრელს. სიტყვები,
რომც არ გესმოდეთ, მაინც
შეგძრავთ. სიმღერაში უკვე შიში
იგრძნობა. ძნელად შესამჩნევია, მაგ-
რამ მაინც იგრძნობა.

ტანკები მოდიან. ჯარისკაცები
ნიჩბებით. აქ იბადება შიში თითო-
ეული ადამიანის გულში. არ იმ-
ჩნევენ, არ უნდათ რომ შეიძინონ.
თუ არ გეშინია ადამიანი არ ხარ!
ბარების მჭრელი პირების ბრჭყე-
ალი მთკენ მოიწევს. ახლა ყვე-
ლაფერი შეიცვლება. ქალი ფანდუ-
რით სიმღერას შეწყვეტს, ადამიან-
ები ერთმანეთს ხელებს ჩაკიდებენ
და ბედს შეეგუებან. არ მიდიან.
აქ იქნებინ მანამ, სანამ საქართვე-
ლო არ გაიმარჯვებს. რუსული
ბარები მათ სხეულებს უახლოვ-

დება. ჭრის, ტკივილს აყენებს მათ.
მაგრამ სულს ვერ დაუზიანებენ.
გამარჯვების სურვილს ვერ დაუ-
ზიანებენ, გულს ვერ ატკივებენ.
სისხლის წვეთები ქეფენილზე მი-
იკვლევენ გზას, სადაც გარბიან...

ამ ყველაფერს წარმოვიდგენ და
მზარავს. მზარავს ის სისხლის წვე-
თები და ის ტკივილი. მზარავს,
მაგრამ მაინც ვწერ, ამ ყველაფერს
და ბედნიერი ვარ, რომ ამ სიტყ-
ვებს ქართულად ვძერწავ. წინა-
დადებებს ქართულად ვაძღვებ და
არა რუსულად. ბედნიერი ვარ, რომ
საქართველო არსებობს.

მე ქართველი ვარ! მე დამოუკი-
დებულ საქართველოში ვცხოვრობ!
რა შემოიძლია გავაკეთო იმ ადამი-
ანებისთვის, რომლებმაც ქართვე-
ლად ყოფნის და დამოუკიდებელ
საქართველოში ცხოვრების საშუ-
ალება მომცეს?! მათი სახელები
იცოცხლებს ჩემს გულში, სანამ მე
ვიცოცხლებ და სანამ ჩემი შთამო-
მავლობა გაგრძელდება, სანამ
სახელი საქართველო იარსებებს და
სანამ ერთმანეთს „გამარჯობათ!“
მივმართავთ.

კიდევ ერთხელ მინდა გითხრათ
ეს სიტყვა: „გამარჯობა!“ ტანში
ურუანტელი მივლის და ვამაყობ.
გამარჯობა! გამარჯვება! გამარჯვება
ჩვენ!

**ნიკა ვალაპარია,
სტობის №1 საჯარო სკოლის
12-ე კლასის მოსწავლე.**

ვლოცულობ!

მე ვარ მარიამ გავუა, რვა წლის,
ვსწავლობ სტობის №2 საჯარო სკო-
ლის III კლასში. მასწავლებლის
მონაყოლიდან ვიცი, რომ თბილის-
ში, 9 აპრილს, გამოთენიისას შემო-
იჭრნენ რუსები ტანკებით, დაარბიეს
აქცია და დაიღუპა 21 ადამიანი, ისინი
საქართველოს თავისუფლებას შეე-
წირნენ.

ჩემი სახლის წინ 9 აპრილის მე-
მორიალი, მე ყოველ წელს მივდი-
ვარ იქ, ვანთებ სანთელს და ვლო-
ცულობ.



მომამზადა ნაირა ბერაია

მოსახლეობას ფაროსანასთან ბრძოლის სტრატეგია გააცნეს



ვის სხვადასხვა, მათ შორის ბიოლოგიური საშუალებების ეფექტიანობის დადგენას. აღნიშნული პროგრამის ფარგლებში სახელმწიფო განახორციელებს მავნებელთან ბრძოლის ღონისძიებებს

ქალაქ ხობში, აზიურ ფაროსანასთან ბრძოლის საკოორდინაციო მართვის ცენტრმა, სიმინდის მასივების მფლობელ ფერმერებთან, სამუშაო შეხვედრა გამართა.

ცენტრის ხელმძღვანელმა, ლაშა შალამბერიძემ აზიურ ფაროსანასთან ბრძოლის სახელმწიფო სტრატეგიის დეტალებზე ისაუბრა და შეხვედრის მონაწილეთა კითხვებს უპასუხა.

შეხვედრას სურსათის უვნებლობის დეპარტამენტის უფროსის მოადგილე

სახელმწიფო საკუთრებაში არსებულ ტერიტორიებსა და კერძო საკუთრებაში არსებულ ერთწლიანი კულტურების დიდ მასივებში.

მავნებელთან ბრძოლის ღონისძიებების ეფექტიანობის გაზრდის მიზნით თხილის კულტურაში, სახელმწიფო, ტექნიკური საშუალებები გადასცა საქართველოს თხილის მწარმოებელთა ასოციაციას;

სახელმწიფო მოსახლეობას აძლევს რეკომენდაციებს პრეპარატების, მათ შორის ბიოლოგიური და მექანიკური საშუალებების გამოყენების შესახებ; მავნებელთან ბრძოლის სასამართლო-სამედიცინო ეფექტის მისაღებად უმნიშვნელოვანესია მოსახლეობის მონაწილეობა.

ღონისძიებების განხორციელების პროცესს კოორდინაციას უწევს სპეციალური სამთავრობო კომისია. 2019 წელს აზიური ფაროსანას წინააღმდეგ გასატარებელი ღონისძიებების დაფინანსებისთვის, სახელმწიფო ბიუჯეტიდან, 45 მილიონი ლარია გამოყოფილი.

ამ დროისთვის, დასავლეთ საქართველოში, აზიური ფაროსანას ღონისძიებების პირველი ეტაპი დასრულდა, მავნებლის იდენტიფიკაციას და ზუსტი არეალის დადგენის მიზნით, სურსათის ეროვნული სააგენტოს მონიტორინგის ჯგუფებმა საკარმიდამო ნაკვეთები, საცხოვრებელი და მიტოვებული შენობები ვიზუალურად დაათვალიერეს და აღწერეს.

პირველი ეტაპის მონიტორინგის შედეგების გათვალისწინებით, დასავლეთ საქართველოს იმ სოფლებში, სადაც მავნებლის დიდი კონცენტრაცია დაფიქსირდა, „მოიზიდე და გაანადგურე“ სადგურები დამონტაჟდება.



ლევან თოლორაძე, ხობის მუნიციპალიტეტის საკრებულოს თავმჯდომარე ედიშერ ჯობაჯა და მუნიციპალიტეტის მერის მოადგილე მახარე ჩოკორაია ესწრებოდნენ.

აზიურ ფაროსანასთან ბრძოლის ღონისძიებები ოთხ ძირითად მიმართულებას მოიცავს:

აქტიური საინფორმაციო კამპანია – მოსახლეობის ინფორმირებულობის გაზრდა;

მონიტორინგი – გულისხმობს აზიური ფაროსანას გავრცელების არეალის დადგენას, მავნებლის განვითარების ფაზების, პოპულაციის რიცხოვნობის დინამიკის და ღონისძიებების ჩატარების ვადების განსაზღვრას;

აზიური ფაროსანას კონტროლის ღონისძიებები – მავნებლის საწინააღმდეგო წამლობა;

სამეცნიერო-კვლევითი სამუშაოები მიზნად ისახავს, საქართველოს პირობებში, აზიური ფაროსანას ბიოლოგიის შესწავლას, ბიოლოგიური მტრების გამოვლენას, მცენარეთა დაც-

29 აპრილი ხსოვნის დღეა

ეთერ ბასლანაძე



გაზაფხულია... მერცხლების ცეკვას პატარა ბავშვებით ვუყურებ ზეცაში... ყვითელგულა ბაიებიც აყვავილდნენ, იასამნებიც და გლიცინიებიც...

ბე, მალე დიდი აღდგომაც მოვა... მე კი ეს დღეები სულ შენზე ვფიქრობ და სულ გულით გატარებ... სანთელს დაგინთებ და მერამდენედ გამეჩხრიბება ყელში ბურთი... ახლაც ასე ვარ... წამომიარე, მომიდიდი და მინდა მოგეფერო, ისევ შენი პატარა გოგო გავხდე და მოკლე კაბაში ჩაცმულმა სირბილით გავიარო მანძილი შენი ჭიშკრიდან აივნამდე, ბე... ისე სწრაფად გამოვიქცე, რომ შენ შუა ეზომდეც ვერ მოასწრო მოსვლა... შენ სველი ხელები წინსაფარზე შეიწმინდე ბე და ჩამეხუტე ბე, მერე მე ვირბენ სახლის გარშემო, ვირბენ და ვიტკენ მუხლებს, შენ თავი შემომავლე და მუხლი გადამიხვიე, მომიყვი იმდენი ზღაპარი და ძველი ამბავი, რომ გათენება ვერ ვივარდო... ბე, ბებო, ის აღდგომა მენატრება, შენ, რომ ჭიშკართან გვეგებებოდი და მერე, ალიონზე მიდიოდი ბაბუს საფლაგთან... ბე, ის გაზაფხული მენატრება შენს ეზოში, რომ ყვავილებს ვკრეფდი და თმაზე ვიმაგრებდი... ბე, ის სივრილე მენატრება, შენ რომ დედას ეტყოდი, ბავშვს ჩააცვი, არ შესცივდესო, მენატრები ბე...

ლია სალამაია.

ზაურ ლატარია, ლენა მიქავა



სიყვარულს. თავს ევლებოდა მეუღლე ფასო (ლენა) მიქავას, შვილებს, შვილიშვილებს.

ახალგაზრდობა და სიჭარმავე სოხუმში, სალოკომოტივო დეპოს მემანქანედ გაატარა. უანგარო შრომისთვის მრავალი ჯილდო და სიგელი ამშვენებდა მის ბიოგრაფიას. მთავარი მისთვის ის დიდი სიყვარული იყო, რომელსაც

მშობლის ამქვეყნიდან წასვლა შვილისთვის ყველა დროსა და ასაკში გაუსაძლისი ტკივილია...

უკანასკნელ გზაზე სავალად გაზაფხულის მზიანი დღე აირჩია და თან იებისა და ყოჩივარდების სურნელი გაიყოლა...

სისპეტაკით, საუკეთესო ადამიანური თვისებებით გამოჩენილი, ხანდაზმული – ცხოვრების ავკარგით მხრებდამძიმებული, 84 წლის ასაკში წავიდა ამქვეყნიდან, ავადყოფნის ტკივილით შეწუხებულს, თითქოს მიეჩქარებო მუდღესთან შეხვედრა, ფაციფუცობდა...

ხეთელი ზაურ ივლიანეს ძე ლატარია – ადამიანი, რომელიც მთელი ცხოვრება უანგაროდ გასცემდა სიბოძის და

მეგობრებისა და მეზობლებისგან გრძობდა. დიდი ტკივილი იყო მისთვის აფხაზეთის დაკარგვა, რომლის განცდა გაიყოლია სამუდამო სასუფევლისკენ.

ოჯახს, შვილიშვილებს, ახლობლებს დაგვრჩა ულამაზესი მოგონებები, სითბო, რომელიც ახლაც გვატბობს.

აღდგომის დღესასწაულს გილოცავთ დედა და მამა, ჩვენთვის დაუვიწყარო ადამიანებო.

იძინეთ მშვიდად, მუდამ გვემახსოვრებით, მოგიგონებთ, თქვენს საფლავებს მოვეფერებით.

ნათელი დაადგეს თქვენს ხსოვნას.

შვილები მკა და მამუკა, შვილიშვილები, შვილთაშვილი.

მანონი ცხადია



ჩემო მოურჩენლო ტკივილო, სამი ძმის ერთადერთო დაო, და რაც მთავარია, ჩემო ტყუპისცალი, მანონი. შენ ჩემი სულისა და გულის ნაწილი ხარ. დიდი დრო გავიდა შენი ამქვეყნიდან წასვლის შემდეგ – 35 წელიწადი, მაგრამ დამიჯერე, ტკივილი არ გამწვანდება, შენ ისეთი იყავი, ყველასგან განსხვავებული.

ჩვენს მასწავლებლებს განსაკუთრებით ეიმედებოდით, ნიჭიერი, კითხვა შენი ჰობი იყო, ამიტომაც შენს ასაკთან შედარებით მრავალმხრივ განვითარებული იყავი...

14 წლისა გამოეთხოვე სიცოცხლეს, რომელიც ასე გიყვარდა და გინდებოდა ჩემო თვალხატულავ. დღესაც მტკივნეულია კითხვა, რომელიც მაწუხებს – ეს ბედისწერა იყო თუ ექიმების შეცდომა...

მიუხედავად იმისა, ოჯახიც მყავს, შვილებიც და შვილიშვილებიც, ახლა უფრო მაკლიხარ, უფრო მტკივა უშენობა... თვალებში სხივი ჩაუქრა ჩვენს მოხუც დედას, და ყოველდღე ნატრობს შენთან შეხვედრას.

მიყვარხარ, უფრო მეტად, ვიდრე მაშინ, მენატრები უსაშველოდ... **შენი ტყუპისცალი მამუკა ცხადია.**

29 აპრილი ხსოვნის დღეა

კლარა კილასონია – ბერიშვილი



არასოდეს ვიფიქრებდი შენზე მოგონებებს თუ დავწერდი ჩემო დაიკოვ, ჩემო კლარიკო! რა უღმობელია წუთისოფელი, მე შენზე უფროსი, შენზე გწერ, ეს ხომ უსამართლობაა.

უკვე თვეები გაილია და ვერა და ვერ ვეგუებით შენს არყოფნას. ნეტავ ხედავდე, შენს შვილებს, მეუღლეს, დებს, ძმას, გული საგულედან ამოგძვრებოდა, და ალბათ, მეორედ გარდაიცვლებოდი. ჩვენი საყვარელი, შენი არყოფნა ყველაფერს ატყვია, როგორც ხამისქურში, ასევე აქ, ხობში.

ხომ ვიცით, როგორი უთბილესი და მოალერსე დედა იყავი, ისიც ხომ ვიცით, შენს შვილებს არ მიატოვებდი ასე ხანგრძლივად, მაგრამ ისიც ხომ ვიცით, თავს ზემოთ ძალა არაა და შენ თავის დაღწევა არაფრით შეგეძლო.

კლარა, ჩვენო დიდი ტკივილო, შენმა უეცრად წასვლამ, თითქმის ყველა

ტკივილი დაგვაგიწყა. გაუსაძლისია შენი ანზორის, გიგასა და გოგას ყურება. უშენობა მათთვის ნამდვილად რომ გაუსაძლისია... ნუნუ, მაყვალა, დოლო და რამაზი ნუ იტყვი, მთლად შეიცვალენ. ქუჩაში გამვლელები თითქმის ვერ ცნობენ... ჩვენ განუყოფლები ვიყავით და ვართ. განა მარტო ჩვენ, დები და ძმა, ჩვენი შვილებისა და შვილიშვილებისთვისაც მუდამ საყვარელ „კალიკოდ“ დარჩები.

დღეები გადიან. გაზაფხულია. ხომ იცი რამდენად ლამაზი იყო მისი მოსვლა. შენს ლამაზ ყვავილებს შენი ხელის შეველება სჭირდებოდათ ორივეგან. გელოდოთ?..

წინასწარ გილოცავთ აღდგომას. რა ფაციფუცში იყავი მუდამუამს. შენ და ანზორი ყოველთვის დღესასწაულებს აქ, ხობში ატარებდით შვილებთან ერთად.

ახლა? რა ქნან მათ უშენოდ? იმ დღეს ვიცი, შენს საფლავზე წითელი კვერცხებითა და ლამაზი ყვავილებით მივლენ და მოგილოცავენ ამ აღდგომას. ისედაც მუდამ, ყოველი დილა შენს საფლავთან მისვლით იწყება შენი შვილებისა და ოჯახისთვის, თითოეული შენს საფლავს დასტრიალებს, ყვავილნარად გიქციეს ის ადგილი, სადაც შენ, სამუდამოდ დაივანე...

გაკონით, გვენატრები, გვიყვარხარ საყვარელო...

ნანი კილასონია.

აბული აბრამია და კაკო ნანავა



ჩვენი ოჯახებისთვის მტკივნეულ დღეებში, ფოტოებს ვათვალიერებდით, უამრავ ალბომს შორის, სადაც აბრამიების და ნანავების სიხარულის ამსახველი კადრია, ერთმა ფოტომ ყველაზე მეტად ჩამაფიქრა.

ფოტოზე ბატონი აბული და მისი მზახალი კაკო გვერდი-გვერდ ბედნიერნი დგანან და მათთვის პირველი შვილი შვილის ნიკას შეძენის სიხარულს აღნიშნავენ.

კაკო ნანავა—ეს კაიკაცობით, მოყვასის სიყვარულითა და კოლხური ტრადიციების მოყვარული ადამიანი, ბოლო წლები მძიმე ავადმყოფობას ებრძოდა. გარდაცვალებამდე მასთან სანახავად მისულმა ბატონმა აბულიმ მზახალი გაამხნევა და დაუბარა: „მე-

ორედ რომ მოვალ, წამომდგარი დამხვდით“. დასანანი, რომ მისი თხოვნა ორივესთვის უკანასკნელი აღმოჩნდა...

სამწუხაროდ, ეს ორი ადამიანი ვერც კი გაიფიქრებდა, 19 წლის წინ ბედნიერების დღის აღნიშვნისას, ერთმანეთის დალოცვისას, გვერდი-გვერდ მხიარულად მდგარი, ორივე ერთ კვირაში გარდაიცვლებოდნენ და სამი დღის შუალედით მიაბარებდნენ მშობლიურ მიწას.

უფალმა აცხონოს მათი ალალი სულები...

შთამომავლობას ღირსეულად ცხოვრების გაგრძელებას ვუსურვებ.

ირაკლი შონია

გოგა გვასალია



გოგა (გერო), არ ვიცი, როგორ მოვუყარო სათქმელს თავი და მოგონებებში როგორ ვისაუბრო შენზე...

ჩემს თვალწინ გაზრდილი ვაჟკაცი, 22 აპრილს შენი დაბადების დღეა და

შენი ოჯახი პირველად აღნიშნავს შენს გარეშე... უშენოდ ყველას უჭირს... ან კი როგორ მოასწარი ასე პატარამ ამხელა სიყვარულის დათესვა, ვისაც კი ერთხელ შეხვედრიხარ, ყველა გულამოსკვნით აატირე... ყველა, რომ სიყვარულით და სინანულით ახსენებს შენს სახელს... შენ ყოველთვის იქნები ჩვენს გულებში, ხალისიანი, გულიანი, კეთილი, სიყვარულით სავსე გოგა...

ნათელი ეფინოს შენს სულს ჩვენო ვაჟკაცი და აღდგომის სიხარულით ეხაროს ყველა შენიანს...

ქრისტე აღდგა, გოგა! გილოცავ ჩემო მოუსვენარო და ონავარო ბიჭო, (შენი ბავშვობა მიდგას თვალწინ და ასეთი მემახსოვრები მუდამ).

თამილა გვასალია.

ნინო სერგია



წელიწადიც არ გასულა, რაც ხობის მუნიციპალიტეტის სამუსიკო სკოლის პედაგოგიურ კოლექტივს გამოაკლდა ყველაზე ახალგაზრდა პედაგოგი ნინო სერგია. პირველი გაზაფხულია, რომელსაც შენ შენი ღიმილით, სუფთა სულით არ ალამაზებ.

ძალიან მტკივნეულია ჩვენთვის ნინოზე წარსულში საუბარი.

წარმატებული პედაგოგი, საუკეთესო კოლეგა, სანიმუშო დედა და შვილი—ასეთად დამახსოვრდა იგი ყველას, ვისთანაც მას ურთიერთობა ჰქონდა.

კიდევ ერთხელ ვუთანაგრძნობ შენს ოჯახს, მეუღლეს, თვალბეკოკორა თამარს და მშობლებს.

ჩვენი დიდი ტკივილი ხარ ნინო. გჯეროდეს, მუდამ იარსებებს შენი სახელი სამუსიკო სკოლის კედლებში. უსაშველოდ გვენატრები...

სამუსიკო სკოლის კოლექტივი.

ანრი ჯგერენიას ხსოვნას



ვინ თქვა, რომ დრო მკურნალია, მსგავს ჭრილობას დრო ვერ კურნავს, ვისთვის ბრუნავს ეს ცხოვრება, ვისთვის ჯვარცმით სავალია.

ვისთვის უღვთო ტკივილია, ვისთვის არის აღსარება, ვისთვის სიტკბო, ღიმილია, სად არ ელი იქ განყდება.

დრო იკვირებს საშინელი, შეაჩერებს ვინმე განა?

დრო „ძღუვაი საკვირველი“ მტრისას მისი გამოცანა.

დრო კი ბრუნავს, იმ სამდურავს დრო ვერასდროს ვერ განვდება, ვის ვერ კურნავს, ვისთვის ბრუნავს, ჯვარცმულისთვის დრო ჩერდება! ვერ მოაშთობს მას მანძილი,

სადაც მას სურს იქ გაჩნდება, ჯვარცმულ დედის ის მანძილი, დროზე ცრემლად ეყიდება! სულ სხვა არის კოლხის ნანა, ღვთისმშობლისგან მოგვდევს ასე, მისგან გვერგო ეს ქვეყანა, მისგან სულის სილამაზე, მისგან გვერგო სიყვარული თუ რამ დარჩა კიდევ ჩვენთან, ჩვენის ცოდვით ჯვარს გაკრული. შორს ვიყავით მუდამ ღმერთთან, ვილაცისთვის ჯვარს გაკრული, ვილაცისთვის ნეტარება, გადარჩება სიყვარული. სხვა ყოველი დროს გაყვება.

ვის საოცრად გაახარებს, ვის მოუვლენს უღვთო ურვას, ვის უფსურულში მიაქანებს, დრო კი ბრუნავს, მაინც ბრუნავს! ბადრი ღომაია.

გვერდი

„გაუთხოვთ ერთმანეთს გულაბი!“

აპრილის ერთი მშვენიერი დღე ხობელი ბავშვებისთვის განსაკუთრებული აღმოჩნდა. მათი გულების გასათბობად და გასახარად ხობს თბილისის საბავშვო თეატრი „ბომბორა“ ეწვია.

გოგო-ბიჭები დიდი ინტერესით ათვალიერებდნენ ყოველივეს, თვალებს აფახულებდნენ,

საჩუქრად გადმოგვცა. ქალბატონმა ბეატრისამ კარგად იცის, რაოდენ მნიშვნელოვანია სსსმ ბავშვებისთვის თანატოლებთან ერთად ყოფნა არამარტო საგაკვეთილო პროცესში, არამედ მათი ჩართვა სხვადასხვა სახის გასართობ პროგრამაში.

მათთვის ყველაზე მნიშვნე-

მა ქალბატონმა ბავშვებზე ზრუნვით, თანადგომით მათი გული გაახარა. მისცა საშუალება იმისა, რომ დაინტერესებულყვნენ იმით, რითაც მათივე თანატოლები-თეატრით. ყოველ მათგანს ხომ სხვადასხვა გატაცება აქვთ. იქნებ რომელიმე მსახიობობაზე ოცნებობს?

ეს ნაბიჯი თანადგომისა და მორალური მხარდაჭერის არაჩვეულებრივი მაგალითია.

ქალბატონმა ბეატრისამ აღნიშნა, რომ აპრილის ბოლოს იგეგმება სსსმ ბავშვებთან შეხვედრა. მათ მიეცემათ საშუალება პედაგოგებთან ერთად თავიანთი უნარის გამოვლენისა (სიმღერა, ცეკვა,ხატვა), რითაც გამოიჩინებინ.

შემოგვიერთდით!

გაჩუქეთ ერთმანეთს სიბოლო და სიყვარული!

გაუთხოვთ ერთმანეთს გულები!

ჩვენ ერთნი ვართ!
რუსუდან ბუკია, სოხის მუნიციპალიტეტის სოფელ თორისის საჯარო სკოლის პედაგოგი



ხელში სპექტაკლის ბილეთები ეჭირათ და თეატრის კარებს აწყებდნენ...

უჩვეულო დღე დაუდგათ ხობის მუნიციპალიტეტის რესურსცენტრის უფროსმა, ქალბატონმა ბეატრისა რუსიამ, ნიშნად თანადგომისა და კეთილი ნების გამოხატვისა, სსსმ ბავშვებს და მათ პედაგოგებს სპექტაკლზე დასასწრები ბილეთები შეუძინა და

ლოვანი ადამიანური ურთიერთობებია, აუცილებელია ასეთი ბავშვების ადაპტაცია საზოგადოებასთან, რადგან საზოგადოება ეჩვევა მათ და ისინიც ინტეგრირდებიან. მათ თანატოლებთან ერთად, უნდა გამოხატონ თავიანთი ემოციები, მისწრაფებები, აიმაღლონ ცნობიერება-განაცხად ქალბატონმა ბეატრისამ.

და, მართლაც, ამ დღებულ-

სპორტი

ანრი ჯგერენაიას სახელობის ბურნიკი

ქალაქ ხობში, ანრი ჯგერენაიას სახელობის საფეხბურთო პირველობის ფინალური მატჩები გაიმართა. შეჯიბრებაში ხობის მუნიციპალიტეტის საჯარო და კერძო სკოლების 8 გუნდი მონაწილეობდა. პირველობის გამარჯვებული ქალაქ ხობის №1 საჯარო სკოლის გუნდი გახდა, მეორე ადგილი ჭალაღიდის სკოლამ, ხოლო მესამე ად-

გილი შუა ხორგის საჯარო სკოლის ნორჩმა ფეხბურთელებმა დაიკავეს.

სპორტულ ღონისძიებას ანრი ჯგერენაიას ოჯახის წევრებთან ერთად, ხობის მუნიციპალიტეტის მერი გოჩა ქაჯაია და მერის მოადგილე მახარე ჩოკორაია ესწრებოდნენ.

პირველ, მეორე და მესამე ადგილებზე გასულ გუნდებს თასები, სიგელები და სამსხვორო საჩუქრები გადაეცათ.

სპორტული პირველობა ადგილობრივი თვითმმართველობის მხარდაჭერითა და ა(ა)იპ „ხობის მუნიციპალიტეტის საფეხბურთო კლუბ კოლხეთის“ ორგანიზებით განხორციელდა.

„კოლხეთის“ ქალ ფეხბურთელთა გამარჯვება

ხობის ცენტრალურ სტადიონზე ქალთა საფეხბურთო ლიგის პირველი ტურის მატჩში ხობის „კოლხეთმა“ თბილისის „ნორჩ ღინამოელს“ უმასპინძლა. შეხვედრა მასპინძელთა გამარჯვებით, ანგარიშით 1-0 დასრულდა.

მიმდინარე გათამაშებაში ხაშურის „ივერია“, ლანჩხუთის „ლანჩხუთი“, ქუთაისის „მართვე“, ბათუმის „დინამო ბათუმი“, თბილისის „ნიკე“, ხობის „კოლხეთი“, ჩხორიწყოს „სამეგრელო“, თბილისის „ნორჩი დინამო“, გორის „გორი იუნაიტედი“ და ახალციხის „ზარზმა“ მონაწილეობს.

ჩემპიონატში მონაწილე გუნდებს სპორტული ინვენტარი და ფირმა „ჯომას“ სათამაშო ფორმები გადაეცათ.

ქალთა ლიგაში „კოლხეთი“ (მთავარი მწვრთნელი: ზურაბ ლატარია) 2018 წლიდან მონაწილეობს, ხოლო გუნდის წევრები საქართველოს სხვადასხვა ასაკობრივ ნაკრებში ასპარეზობენ.

შეხვედრას საქართველოს ქალ ფეხბურთელთა ნაკრების მენეჯერი თეო გონგაძე და ხობის მუნიციპალიტეტის მერიის განათლების, კულტურის, სპორტის, ძეგლთა დაცვისა და ახალგაზრდულ საქმეთა სამსახურის უფროსი ელისო კვიციანი ესწრებოდნენ.



24-30 აპრილი-მეოცის იმუნიზაციის კვირეული

კვირეულის მიზანია ვაქცინაციით მართვადი დაავადებებისგან თავისუფალი ევროპის რეგიონი, სადაც ყველა ქვეყანა უზრუნველყოფს იმუნიზაციის სერვისებს მთელი ცხოვრების მანძილზე.

საქართველოში და მათ შორის, ხობის მუნიციპალიტეტშიც ბავშვთა და მოზარდთა გეგმიური იმუნიზაცია ხორციელდება საზოგადოებრივი ჯანმრთელობის კანონისა და პროფილაქტიკური აცრების ეროვნული კალენდრის შესაბამისად. იმუნიზაციის სახელმწიფო პროგრამა სრულად უზრუნველყოფს ეროვნული კალენდრით გათვალისწინებული ვაქცინების შეყიდვას და 12 დაავადების (ტუბერკულოზი, B ჰეპატიტი, დიფტერია, ყივანა-ხველა, ტეტანუსი, პოლიომიელიტი, ჰემოფილუს ინფლუენცა ტიპი B, წითელა, წითურა, ყბა-ყურა, როტავირუსული და პნევმოკოკური ინფექციები) საწინააღმდეგო ვაქცინაციის დაფინანსებას საყოველთაო ჯანდაცვის პროგრამის ფარგლებში.

ვაქცინების მაღალი ხარისხის უზრუნველსაყოფად სახელმწიფო შეისყიდის მხოლოდ ჯანმრთელობის მსოფლიო ორგანიზაციის მიერ პრეკვალიფიცირებულ ვაქცინებს.

მიუხედავად წარმატებებისა, საჭიროა უფრო მეტის გაკეთება, ჩატარებული აცრები შედეგიანი რომ იყოს, საჭიროა ბავშვთა და მოზარდთა კონტიგენტის 95%-ზე მეტი იყოს აცრილი. მხოლოდ ამ შემთხვევაში მოსახლეობაში იქმნება ძლიერი იმუნური ფუნა და არ განვითარდება და არ გვექნება მართვადი დაავადებების არცერთი შემთხვევა.

როგორც ცნობილია ქვეყანაში 2018 წლიდან გვაქვს წითელას ეპიდემიის შემთხვევა. აღნიშნულიდან გამომდინარე სახელმწიფო უზრუნველყოფს წითელას და წითურას იმუნოპროფილაქტიკას წყვე ვაქცინით. საქართველოს მთავრობის განკარგულებით, ჯანდაცვის მინისტრის შესაბამისი ბრძანებით დაწყებულია მასიური კამპანია წითელას და წითურას პრევენციის მიზნით. წყვე ვაქცინაციით ერთჯერადი დოზით უნდა აიცრას. 1-19 წლის კონტიგენტი, რომლებიც არ არიან აცრილები ან არასრულად არიან აცრილები. წყვეს ერთჯერადი დოზით აცრა უნდა ჩაუტარდეს ასევე 19-დან 41 წლამდე ასაკის ყველა ადამიანს, ასევე ერთჯერადად უნდა აიცრას

სამედიცინო პერსონალი. წითელას შემთხვევებისას კონტაქტირებულ პირებს უნდა ჩაუტარდეს ერთჯერადი ვაქცინაცია აცრის სტატუსის გათვალისწინებით.

გახსოვდეთ, წითელა სიცოცხლისთვის საშიში დაავადებაა!

ვაქცინაცია წითელასგან დაცვის ერთადერთი საშუალებაა. შეაჩერე წითელას გავრცელება საქართველოში-არ გადალო, აიცერი!

ადამიანის პაპილომა ვირუსის საწინააღმდეგო ვაქცინაცია.

საშვილოსნოს ყელის კიბო სიმსივნურ დაავადებებს შორის სიხშირით მეოთხე ადგილზეა მსოფლიოში. საქართველოში ყოველწიურად საშუალოდ 200 ქალი იღუპება საშვილოსნოს ყელის კიბოთი, რაც კიბოთი გამოწვეული სიკვდილიანობის 2,7 პროცენტს შეადგენს.

2017 წლიდან ქალაქებში თბილისში, ქუთაისსა და ბათუმში დაიწყო 2008-2009 წლებში დაბადებული გოგონების ადამიანის პაპილომა ვირუსის საწინააღმდეგო ორჯერადი ვაქცინაციის პილოტური პროგრამა. აღნიშნული ვაქცინით გოგონების აცრები 2019 წლიდან ჩატარდება ქვეყნის მთლიანი მასშტაბით.

ყველა ბავშვი იმსახურებს თანაბარ შესაძლებლობას იცხოვროს ჯანმრთელოდ. ვაქცინაცია კი ამ მიზნისკენ გადადგომითი პირველი ნაბიჯიდან ერთ-ერთი ყველაზე მნიშვნელოვანია.

გახსოვდეთ, რომ იმუნიზაცია ჩვენი შვილების ჯანმრთელობის გარანტიაა და აუცილებელია დავიცვათ აცრების კალენდარი სრულყოფილად, და რაც მთავარია, დროულად ჩაუტაროთ აცრების სრული კურსი! ამ შემთხვევაში ბავშვები დაცული იქნება იმ ინფექციური დაავადებებისგან, რომლის საწინააღმდეგოდ ჩაუტარდათ აცრები. ექიმთან ერთი ვიზიტის დროს რამდენიმე აცრა ერთდროულად კეთდება, ეს ხელს უწყობს აცრების კურსის დროულად დამთავრებას, რაც თავის მხრივ ზრდის ვაქცინაციის ეფექტურობას.

ხობის მუნიციპალიტეტის საზოგადოებრივი ჯანდაცვის ცენტრის თითოეული სასოფლო საქიმო ამბულატორია უზრუნველყოფილია ყველა სახეობის ვაქცინებით. ნებისმიერ ბავშვს და მოზარდს გეგმიური ან არაგეგმიური ვაქცინაციის ჩატარება შეუძლია თავისი საცხოვრებელი ადგილის მიხედვით.

ჯუმაბერ ტურაპა,

სოხის მუნიციპალიტეტის საზოგადოებრივი ჯანდაცვის ცენტრის დირექტორის მოადგილე-პედიმ პროფილაქტიკოსი

სოხის მუნიციპალიტეტის გეგმვითი ორბანო

გამომცემელი: სოხის მუნიციპალიტეტის კულტურულ-საგანმანათლებლო საზოგადოებრივი ცენტრი.

სარედაქციო კოლეგია: მერი ლავგილავა, ნანი კილასონია, როზეტა შულაია, ბორის ბერაია, ბეჟან ნადარაია, ირაკლი შონია, თამთა ბუკია. კომპიუტერული უზრუნველყოფა- ჯულიეტა ლატარია.

გაზეთი აეწყო და დაკაბადონდა ხობის მუნიციპალიტეტის კულტურულ-საგანმანათლებლო საზოგადოებრივ ცენტრში.

ტელ: 0 (414) 22-21-31; 22-25-81; 599-50-40-57; 577 21-41-44.

ელ. ფოსტა: xobismoambe@mail.ru.

დაიბეჭდა შ.პ.ს. გამომცემლობა „კოლორში“. თბილისი, რკინიგზის ჩიხი №20.

გაზეთი ხელმძღვანელობს თავისუფალი პრესის პრინციპებით. გაზეთში დაბეჭდილი მასალის სიზუსტეზე პასუხისმგებელია ავტორი.